



**JAVNI POZIV BIBLIOTEKAMA U BOSNI I HERCEGOVINI
ZA UČEŠĆE U OBILJEŽAVANJU
NACIONALNOG DANA SVJESNOSTI O BIBLIOTEKAMA
U BOSNI I HERCEGOVINI 2024**

Obilježavanje *Nacionalnog dana svjesnosti o bibliotekama u Bosni i Hercegovini 2024* na Univerzitetu u Sarajevu se realizira kao nastavak aktivnosti iz projekta ERASMUS+ Capacity Building in Higher Education (CBHE) - „Library Network Support Services (LNSS): Modernising libraries in Western Balkan countries through staff development and reforming library services“ (*Umrežena biblioteka – službe podrške: Modernizacija biblioteka u zemljama Zapadnog Balkana kroz razvoj osoblja i reformu bibliotečkih usluga*).

Cilj *Nacionalnog dana svjesnosti o bibliotekama u Bosni i Hercegovini 2024* pod motom *Od baštine do (informacijske) usluge* je podsjetiti građanke i građane na važnost učešća biblioteke u izgradnji društva znanja. Biblioteke (nacionalna, visokoškolske, školske, javne i specijalne) - partneri iz Bosne i Hercegovine će **28. oktobra 2024. godine** učestvovati u promociji svojih usluga nudeći građanima različite edukativne sadržaje (promocije, večeri poezije, okrugle stolove, izložbe i sl.). Projektom je planirana snažna promocija biblioteka, njihovih bibliotečkih usluga i uopće, informacijskih i bibliotečkih nauka, te smatramo da je vaše učešće od izuzetne važnosti za realizaciju ovih aktivnosti.

Pomenute aktivnosti će se paralelno odvijati i u Mostaru, te Bihaću, gdje su partneri u realizaciji LNSS projekta, Kantonalna i univerzitetska biblioteka Bihać, te Sveučilište u Mostaru.

Ukoliko želite postati biblioteka-partner u obilježavanju *Nacionalnog dana svjesnosti o bibliotekama u Bosni i Hercegovini 2024* možete se registrirati na linku <https://forms.gle/PHWZ6uGQQYRmfVXL7>

Za više informacija možete se obratiti putem e-maila: alma.mesic@fpn.unsa.ba (Alma Mešić, MA, koordinatorica ovogodišnjeg *NAD-a*).

Krajnji rok za registraciju je 20. 10. 2024. godine.